

Fy nghyf / My ref:

Llinell Uniongyrchol /
Direct Line: 01267
246522

Dyddiad / Date:

11 Chwefror 2021/11 February 2021

Annwyl Riant/Gofalwr

Rydym wedi bod yn gweithio'n agos iawn gydag ysgolion i gynllunio ar gyfer dychweliad disgyblion yn raddol ac yn ddiogel ar ôl gwyliau hanner tymor.

Yn dilyn nifer o gyfarfodydd â Phenaethiaid, cytunwyd y bydd disgyblion 3-7 oed (meithrin, derbyn, blwyddyn 1 a blwyddyn 2) yn dychwelyd i'r ysgol mewn ffordd raddol a hyblyg o 22 Chwefror, gyda'r bwriad i holl ddisgyblion y Cyfnod Sylfaen ddychwelyd i'r ysgol cyn gynted ag y bo'n ymarferol bosibl ac erbyn 5 Mawrth fan bellaf.

Bydd hyn yn caniatáu i grwpiau llai o ddisgyblion fynychu'r ysgol ac yn lleihau'r nifer o ddisgyblion fydd yn cymysgu yn yr un lle ar yr un pryd.

Bydd eich ysgol yn rhoi rhagor o wybodaeth i chi o ran pryd bydd eich plentyn yn dychwelyd ac ar ba ddiwrnodau ac ati. Bydd pob ysgol yn wahanol yn ôl amgylchiadau unigol yr ysgol o ran staffio a chapasiti ac ati.

Gweler isod ragor o wybodaeth bwysig:

- Mae ysgolion wedi cael yr opsiwn i ddefnyddio dydd Llun, 22 Chwefror a dydd Mawrth, 23 Chwefror fel diwrnodau cynllunio a pharatoi – bydd eich ysgol yn rhoi gwybod i chi.
- Ni fydd arlwyo ar gael ar y safle tan yr wythnos sy'n dechrau 1 Mawrth – bydd angen i ddisgyblion ddod â phecynnau bwyd. Bydd taliadau prydau ysgol am ddim yn parhau ar gyfer pob disgybl cymwys.
- Dim ond o 22 Chwefror y gall ysgolion ddarparu goruchwyliaeth clwb brechwast – gwiriwch hyn gyda'ch ysgol.
- Bydd ysgolion yn parhau i sicrhau bod darpariaeth ar y safle ar gael i blant sy'n agored i niwed a phlant gweithwyr critigol.
- Bydd ysgolion yn parhau i ddarparu dysgu o bell i ddisgyblion hŷn, fodd bynnag, cofiwch, oherwydd bydd rhai disgyblion yn dychwelyd ac ysgolion yn gorfod darparu ar gyfer plant sy'n agored i niwed / plant gweithwyr critigol, y gallai hyn effeithio ar y dysgu sy'n cael ei ddarparu, er enghraifft, efallai y bydd llai o ffrydio byw ac ati.
- Ni ddylai plant a staff sy'n eithriadol o agored i niwed yn glinigol (sy'n gwarchod) fynychu'r ysgol tan o leiaf 31 Mawrth a byddant yn parhau i ddysgu gartref.

Gareth Morgans, BAdd/BEd; MGw/MSc

Cyfarwyddwr Addysg a Gwasanaethau Plant,
Neuadd y Sir, Gaerfyrddin, Sir Gaerfyrddin SA31 1JP

Director of Education & Children's Services,

County Hall, Carmarthen, Carmarthenshire SA31 1JP



Mae croeso i chi gysylltu â mi yn y Gymraeg neu'r Saesneg

You are welcome to contact me in Welsh or English

Gallwn eich sicrhau mai diogelwch disgyblion a staff yw ein prif flaenoriaeth, ac mae gennym fesurau iechyd a diogelwch cadarn ar waith, sy'n gyson â'r mesurau a nodwyd yn y cyngor gwyddonol diweddaraf.

Mae'r rhain yn cynnwys:

- Amserau dechrau a gorffen gwahanol er mwyn lleihau tagfeydd o amgylch gatiâu'r ysgol yn ystod amserau gollwng a chasglu
- Golchi dwylo/diheintio yn gyson ac yn effeithiol
- Gwisgo gorchuddion wyneb (lle bo'n briodol)
- Rheoli symudiadau o amgylch yr ysgol i leihau cysylltiadau
- Awyru mewn ystafelloedd dosbarth drwy agor ffenestri/system aerdymheru
- Cadw pellter cymdeithasol o 2 fetr rhwng oedolion bob amser
- Cadw disgyblion mewn grwpiau cyswllt cyson/swigod ystafell ddosbarth
- Lefelau uchel o lanhau effeithiol
- Staff a disgyblion i aros gartref os oes ganddynt symptomau, os ydynt wedi cael prawf positif neu os yw'n ofynnol iddynt hunanynysu
- Rheoli disgyblion / staff symptomatig yn effeithiol yn yr ysgol

Mae ymchwil yn dangos bod cyfraddau trosglwyddo rhwng plant a phlant eraill, a phlant ac oedolion mewn ysgolion yn isel iawn; ac mae trosglwyddo yn fwy tebygol ar aelwydydd neu drwy weithgareddau yn y gymuned, er enghraifft, aros dros nos, partïon plant, rhieni'n cyfarfod mewn cartrefi eraill ac ati.

Ni ddylai plant gymysgu y tu allan i amgylchedd yr ystafell ddosbarth ac mae grwpiau cyswllt/swigod ystafell ddosbarth yn berthnasol i leoliad yr ysgol yn unig.

Mae Cymru yn dal i fod yn y lefel uchaf o ran y cyfyngiadau a rhaid cadw at y gofynion i 'aros gartref'. Mae'n hynod bwysig ein bod ni i gyd yn dal ati i ddilyn y canllawiau ynghylch golchi dwylo, cadw pellter cymdeithasol a gorchuddion wyneb. Ni allwn ailadrodd pa mor bwysig yw hyn i leihau'r trosglwyddo o fewn ein cymunedau.

Cofiwch y canlynol:

- Dim ond un rhiant i ollwng/casglu plentyn
- Gwisgo gorchuddion wyneb (oni bai eu bod wedi'u heithrio)
- Peidiwch ag ymgasglu yn yr ysgol - gadewch cyn gynted ag y byddwch wedi gollwng/casglu eich plant
- Cadw pellter o 2 fetr oddi wrth oedolion eraill gan gynnwys staff yr ysgol
- Peidiwch â mynychu'r ysgol os ydych yn hunanynysu neu os oes gennych unrhyw symptomau
- Peidiwch â mynd i dir yr ysgol heb ganiatâd (oni bai mewn argyfwng)

Gareth Morgans, BAdd/BEd; MGw/MSc

Cyfarwyddwr Addysg a Gwasanaethau Plant,
Neuadd y Sir, Gaerfyrddin, Sir Gaerfyrddin SA31 1JP

Director of Education & Children's Services,
County Hall, Carmarthen, Carmarthenshire SA31 1JP



BUDDSODDWYR | INVESTORS
MEWN POBL | IN PEOPLE

Mae croeso i chi gysylltu â mi yn y Gymraeg neu'r Saesneg

You are welcome to contact me in Welsh or English


Os oes gennych chi neu'ch plentyn neu unrhyw un arall sy'n byw yn eich cartref unrhyw un o symptomau Covid-19, rhaid i chi hunanynysu a chael eich profi ar unwaith. Mae hefyd yn bwysig eich bod yn rhoi gwybod i'ch ysgol os yw eich plentyn yn profi'n bositif.

I gael yr holl wybodaeth ddiweddaraf am ysgolion gan gynnwys rhestr gynhwysfawr o Gwestiynau Cyffredin, ewch i'n gwefan sirgar.llyw.cymru/addysg

Bydd eich ysgol mewn cysylltiad â chi cyn gynted ag y bydd unrhyw wybodaeth bellach ganddi am ddychweliad eich plentyn i'r ysgol.

Diolch i chi unwaith eto am eich cefnogaeth a'ch cydweithrediad parhaus.

Yn gywir
Yn gywir



Gareth Morgans
Cyfarwyddwr Addysg a Gwasanaethau Plant

Gareth Morgans, BAdd/BEEd; MGw/MSc

Cyfarwyddwr Addysg a Gwasanaethau Plant,
Neuadd y Sir, Gaerfyrddin, Sir Gaerfyrddin SA31 1JP

Director of Education & Children's Services,
County Hall, Carmarthen, Carmarthenshire SA31 1JP



BUDDSODDWYR | INVESTORS
MEWN POBL | IN PEOPLE

Mae croeso i chi gysylltu â mi yn y Gymraeg neu'r Saesneg

You are welcome to contact me in Welsh or English